

05.11.2020

UKA2020/36

Inatsisartut aalajangiiffigisassaattut siunnersuutigineqarpoq Naalakkersuisut nalunaajaatigisagaat, suliffeqarfiit aningaasaqarnikkut suliaqartut pisisartuminnut neqeroortigilissagaat, isumaqatigiissutit allattariarsuutitalinnik imallit, pisisartup suliffeqarfiullu akunnerminni isumaqatigiissutaat, kalaallisut suliarineqartalissasut.

(Inatsisartunut ilaasortaq, Erik Jensen, Siumut)

Suliffeqarfiit atuisullu akunnerminni naqitatsigut isumaqatigiissutaat Kalaallisut allaqqasalernissaat Naalakkersuisut sulissutigisagaat, Inatsisartut aalajangiiffigisassaattut siunnersuut Inatsisartunut ilaasortamit Erik Jensen-imit qaqqineqartoq Siumumiit qutsavigaarput imatullu oqaaseqarfigissavarput.

Suliffeqarfiit atuisullu akunnerminni isumaqatigiissutaasa illuatungeriit soorunami paaseqatigiilluarlutik attsioqatigiittarnissaat Siumumiit pingaartipparput, siunnersuusiortup tunngavilersornermini assersuutitut tikippai soorlu bankinut attarsernermi isumaqatigiissutit, sillimmasernernut isumaqatigiissutit, naatsorsuusiornermik kukkunersuinermillu suliallit, neqeroortitsinermullu tunngassutillit, angallatisiniarnernut ilusiniarnernullu aamma tunngasut il.il.

Siunnersuuteqartup § 37-vi aqutigalugu apeqquteqaataanut siullermut Naalakkersuisut akissumminni ilaatsigut eqqaavaat aningaasalersuineramik ingerlataqartunut ileqqorissaarneq pillugu Kalaallit Nunaanni nalunaarummi § 4 taanna allanngortinneqartariaqassasoq, taamaasilluni piumasaaqatinnngorluni atuisup piumasaaqarnera malillugu piumasaaqatit kalaallisut allassimassasut, taamannak allannguisoqartariaqassaaq.

Aningaasaqarnermut tunngasut inatsisaanik atuutitsinermut suliassaqarfik Kalaallit Nunaanniit tiguneqarnikuunngilaq. Aningaasalersuineramik ingerlataqartut pillugit Inatsisip Kalaallit Nunaanni atuutilersinneqarnerat pillugu peqqussummi nalunaarut eqqartorneqarmat taamaattoq allannguneq Naalagaaffimmiit suliarineqartariaqassaaq. Naalakkersuisut siunnersuuteqartumut akissutaat § 37-mut taamatut ilaatsigut pingaanersiorlugu tigulariffigalugu.

Inatsisitigut nalunaarutitsigullu taamatut itnunut sukaterisoqarsimannginerata kingunerisaanik, Kaalaallisuinnaq oqaasillit qallunaalluunniit oqaasiinik naqitatsigulluunniit killillit aammalu ataqqiqatigiinnissamik perorsarsimassutikkut tunuarsimaarnermit ileqqullit, eqqugaasarsimassapput allaatsigut.

Siumumiit sakkortuumik kissaatsigaarput Naalakkersuisut Naalaggaaffimmut saffigineqqullugit Inatsisit Nalunaarutillu Nunatsinnut tunngasut pineqartumut tunngatillugu iluarseqqullugit, Namminersorneq pillugu Inatsit Kapitali 7, § 20, tunngavigalugu.

Qulaani allatat tunngavigalugit atuisut suliffeqarfiillu minnerunngitsumillu peqatigiiffiit kattuffiillu attuumassuteqarsinnaasullu allat peqataatsinneqarnissaat innersuullugit uuma suliarineqarnissaa siunertaralugu ataatsimiitsitaliamut attuumassuteqartumut Siumumiit ingerlatipparput.

Henrik Fleischer, Siumut